

左恪靖侯奏稿初編

奏稿初編卷二目錄

進攻遂安克復縣城摺

覆奏籌畫進取情形摺

回援衢州江山兩城圍解摺

遂安官軍兩次擊賊獲勝立解城圍摺

李楊兩逆遁竄現籌進剿情形摺

滬陳餉項支絀籌辦艱難情形摺

甄汰安越軍存留五營片

查抄革景張景渠原籍資產摺

保奏材堪司道等員摺

訊明三履謙貽悞情形據實參奏摺

進攻遂安克復縣城摺

奏爲官軍進攻遂安克獲大捷立復縣城恭摺馳報仰  
祈

聖鑒事竊臣軍由婺入浙三戰連捷開化肅清時即接  
前衢州鎮總兵李定太署浙江藩司李元度等咨稟金  
華龍游之賊紛紛上竄距衢州府城江山縣城皆祇數  
十里正擬親往援剿前隊甫行抵常山縣境璞石地方  
忽接探報首逆李世賢嗾令壽昌關溪各賊目完天安  
廬有成幅天安黃文政譚世得陳老北等糾約踞遂安

縣城賊曾恭天義賴連繼窺犯開化馬金爲長圍困我  
之計臣以衢城有李定太一軍八千餘人江山常山有  
李元度一軍八千餘人進攻不足守自有餘臣軍若急  
赴衢州江山則開化已復之地不可保衢郡局勢日迫  
而江皖邊界均危不如趁勢先攻遂安乘授賊未集之  
先剿之庶奸謀窮而兇賊自熄乃決計撤隊回攻遂安  
二月初五日由馬金鎮調回援衢各營率之前進初七  
日駐營遂安之橫沿百畝畝墩南諸處距縣城二十餘  
里次日周覽地勢見城西二十餘里楊村一帶皆聚賊

壘賊踵至者尚絡繹不絕城北一帶山雜路歧難容大隊是日城賊列隊大路口山岡似防官軍攻剿逾時始收隊入城是夜傳令選司銜花翎卽選道王開來率所部老湘營自城南進攻楊村之南擬保道銜花翎知府劉典督中營左營桂營及虎營馬隊由百畝畝進攻楊村之西擬保花翎同知劉墩督親兵營三哨及石營順營馬隊由中路攻楊村之西北擬保同知李耀南同知銜知縣楊鼎勳督親兵左哨及前旂新前旂後旂各營明隊北路山岡遙作撲城之狀以疑之飭勿妄進黎明

三路均玉揚村賊見官軍至卽列隊相抗各村皆負山  
依水賊沿兩岸而下呼聲震山谷花翎同知直隸州知  
州張聲恆率右營鬼水而過出賊之後劉政擊敗東岸  
之賊繼之劉典率親兵及中營前左中三哨督同左營  
營官副將銜花翎參將黃少春桂營營官同知直隸州  
知州朱明亮各率所部橫截而出擬保同知銜浙江知  
縣陶鴻勳擬保浙江知縣郝錫深督中營右後兩哨及  
右營花翎都司楊和貴翻嶺而下出楊村之後記名總  
兵丁長勝副將喻勝榮參將羅瑞山郭德馨等各率所

部老湘營自墩南馳至遊擊銜花翎都司馬德順副將銜參將楊芳桂各率所部馬隊由東岸衝過西岸截賊去路各營奮威衝殺刀矛並舉斃賊約數千陣斬賊目完天安盧有成而奪其馬楊村水西一股逆賊得脫者不過數騎耳各營急循兩岸窮追至縣城南數里始收隊還營約計殺斃溺斃之賊殆以萬計拔出難民男婦數千其登時解散者不計其數生擒偽符天侯羅音等及偽檢點將軍等逆目數十名訊明斬決奪獲禧天福賴鷹揚懼天燕賴近光樸天豫賴龜佑匾天侯易德等

大小僞印百數十顆刀矛鎗械旗幟以數千計而我軍陣亡者一人受二等三等傷者不過三十餘名而已是夜四鼓派隊攻城城賊已四散逃竄老湘營馬隊合追二十餘里及其尾隊僅斬落後賊數百名遂安縣城卽時克復據生擒賊供賴逆連綿已經官軍擒斬其餘各逆目伏誅者多然亦未能確指不敢信以爲真有此一戰賊膽盡喪不獨江皖邊界無虞關人卽竄攻衢城江山之賊亦失勢而不敢逞臣於十二日入城安撫居民布置城守事宜畢十三日留老湘營二千五百人守城

卽拔營馳援衢郡十五日已行抵常山縣璞石地方相機進剿此次將士奮勉用命克獲全捷迅復堅城斃賊極多於江浙皖大局頗有關係可否仰懇

皇上恩施准併入開化三捷案內從優保獎之處伏候聖裁謹會同協辦大學士兩江督臣曾國藩據實馳奏伏乞

皇上聖鑒訓示施行謹

奏 同治元年二月二十日

議政王軍機大臣奉

旨另有旨欽此

覆奏籌畫進取情形摺

奏爲遵

旨覆奏事同治元年五月三十日衢州府開化縣馬金鎮行營二月十一日嚴州府遂安縣行營兩次欽奉寄諭以近日布置及進取情形未克隨時速奏致勞

聖慮踈聆之餘莫名感悚竊臣於軍旅一切向雖研求

其理未嘗練習其事近年親履行陣於軍情賊勢地形刻意講求頗有所悟然所當者一路之任所統者數千

之師故勉竭駑駘俸免疎失茲疊蒙

新命督辦軍務巡撫浙江鉅任驟膺時危正迫夙夜憂  
思深懼無以仰副

九重倚注之

恩下慰兩浙士民之望除現在攻克馬金肅清開化接  
攻遂安立復縣城先後馳報仰慰

聖懷外所有將來籌畫進取情形謹爲我

皇上陳之查浙省大局披離恢復之效未可驟期進兵  
之路最宜詳審浙省列郡僅存衢州温州其湖州一府

海南一州孤懸賊中存亡莫卜此時官軍從衢州入手則堅城林立既阻其前金嚴踞賊復撓其後孤軍深入餉道中梗斷無自全之理毋論首逆李世賢正圖窺犯衢州江山臣軍已由遂安回援目前不能舍衢前進也金華界衢嚴之中城堅賊眾臣軍若由金華進攻則嚴州之賊必由淳處一帶潛出包抄亦非善策善奕者置子四旁漸近中央未有孤立賊中而能善其後者似臣軍救浙必須依傍徽郡取道嚴州較爲穩妥惟浙西皖南一帶山鄉瘠薄產米無多尋常無事之年民食尙須

從江西之饒州廣信糧買搬運現在臣軍食米亦係從饒廣採購轉運而來勞費殊多師行不能迅速此餉事之難也臣軍除已募未到外不滿九千除分守遂安開化外隨臣出戰者不過五千有奇此外如徽信兩處防軍雖經會國藩毓科奏明歸臣調遣然兩處正須戒嚴未可調以入浙其衢州之李定太一軍八千餘江山之李元度一軍八千餘雖人數與臣軍相等然均未足深恃此次李世賢入犯李定太僅守衢城李元度分扼江常而皆迫切呼援惴惴不能自保臣亦未敢責其遠離

城池沒戰求勝致損軍威此兵事之難也前蒙

皇上天恩准調蔣益澧劉培元兩軍來浙尙未接有蔣  
益澧等疏耗蔣益澧一軍積欠之餉非兩廣督臣速爲  
清給難以成行劉培元新募經費非湖南撫臣速爲發  
給亦難集事相距二千餘里恐須四五兩月乃能取齊  
臣已迭次檄催伏懇

皇上勅下兩廣督臣湖南撫臣速清兩軍欠餉發給經  
費行資俾得盡赴戎機是爲至幸至浙東一帶郡縣均  
爲賊氛所隔勢難迅速馳援能從海上出師乃爲便捷

昨接會國藩抄錄正月二十一日

上諭因杭州甯波等府失守沿海各口宜防

諭令迅速購買洋人船礮以資攻剿

聖慮周詳實深欽服臣等將來轉戰而前必可終資其

力所有現在籌畫進取情形謹據實覆陳伏乞

皇上聖鑒訓示謹

奏 同治元年二月二十日

議政王軍機大臣奉

旨另有旨欽此

同治元年三月初八日內閣奉

上諭左宗棠奏官軍克復遂安縣城懇請獎案優獎一摺浙江省自開化肅清後左宗棠卽統率各軍行抵遂安之楊村逆匪列隊抗拒勢甚猖獗該撫卽飭同知直隸州知州張聲恆等分路進攻各營奮勇衝殺斃賊數千名陣斬賊目完天安盧有成其楊村水西一股殲除殆盡得脫者不過數騎各營沿岸窮追至城南數里始行收隊約計殺斃溺斃賊匪萬餘救出難民男婦數千名生擒僞符天候羅音等及僞檢點將軍等逆目數十

名奪獲大小偽印百數十顆刀矛鎗械旗幟數千件官軍乘夜進攻城內賊已逃竄復經追殺二十餘里又斬尾隊及落後之賊數百名當將縣城克復所有在事出力員弁著准其併入開化三捷案內擇尤保奏候朕施恩欽此

議政王軍機大臣 字寄同治元年三月初八日奉  
上諭左宗棠奏官軍進攻遂安克復縣城卽拔營馳援  
衢州請將出力將士彙案保奏並陳籌畫進取情形各  
一摺已明降諭旨准其將此次出力將士併入開化捷

案保獎矣據稱規復浙省大局若由衢州入手則孤軍  
深入恐有餉道中梗之虞若由金華進攻亦恐嚴州之  
賊由壽昌一帶潛出包抄必須依傍徽郡取道嚴州較  
爲穩安現時軍米係從饒廣購運不能迅速兵勇除分  
守遂安開化外不過五千有奇李定太李元度兩軍均  
未足恃請飭廣東湖南速給蔣益澧劉培元兩軍欠餉  
行資俾得遄赴戎機等語並據沈葆楨奏稱衢州被圍  
城外四面皆賊並有諸將從逆之匪首何文慶力任破  
衝巨逆楊輔清李世賢外率眾合圍玉山接濟之米石

軍火等項皆爲所阻上台等處亦皆有賊蹤各等語左宗棠於開化瀟清後乘勢進克遂安甚得先發制人之策惟浙省全局糜爛進軍之路最宜詳審金衢嚴皆屬上游衢州爲江閩浙三省咽喉關係甚鉅沈葆楨所稱衢州江常一帶時有股匪游奕意圖乘左宗棠東下窺伺信防斷其後路並圖繞竄閩境必廣信衢州一帶先無意外之虞再由金嚴規取杭州方無絕我糧道阻我援師之患與左宗棠所奏大略相同現在金衢賊氛滋蔓驟難越取省垣左宗棠已由遂安回援衢州目前亦

自未能舍衛前進左宗棠所籌依傍徽郡取道嚴州之策自係實有見地卽著相機迅解衛圍卽圖進取毋令賊蹤躡阻並勿蹈輕進之失方爲妥善將益禮一軍前據劉長佑奏業經令該司部署起程劉培元亦經毛鴻賓催令剋期招募赴浙所有兩軍欠餉行資本日復寄諭兩廣湖南各督撫迅速辦理矣江西玉山廣豐等處逼近賊氛防務倍形喫重著沈葆楨嚴飭各屬將弁認真防剿以固藩籬肅清左宗棠後路其左宗棠所設廣信後路其臺應行協解餉項軍火並著設法源源籌解

毋令缺乏昨因浙江按察使簡用乏人降旨令曾國藩  
左宗棠酌保數員左宗棠接奉此旨即著於平日所知  
酌量保奏候旨簡用將此由六百里各諭令知之欽此

回援衢州江山兩城圍解摺

奏爲官軍回援衢州江山兩城疊獲勝仗兩城圍解臣  
逆敗遁現在力籌攻剿情形恭摺奏祈

聖鑒事竊臣軍攻克遂安時偽侍王李世賢率巨股由  
金華龍游上犯衢城於東南路之大洲全旺等處連營  
數十里將以長圍困之前衢州鎮總兵李定太署衢州  
鎮總兵崇志署金衢嚴道江允康署衢州府知府吳艾  
生等嬰城固守二月十八日臣率各營馳抵常山縣水  
南地方探聞該逆分股竄距招賢一帶衢州與常山江

山道路中梗糧運隔絕衢州將成坐困之勢臣於是夜

派道銜知府劉典督同都司張人和楊和貴副將銜參將楊芳社等各率所部由左路進同知李耀南同知銜知縣楊鼎勳率親兵三哨及副將銜參將黃少春參將黃有功同知直隸州知州朱明亮遊擊銜都司馬德順各率所部由右路進同知劉璪率親兵一哨及同知直隸州知州張聲恆遊擊銜都司余萃隆各率所部相機接應十九日黎明各路齊抵招賢該逆不及列隊棄械狂奔我軍奮力追殺斬馘二百餘級生擒數十名拔出

難民以千計於是衢城糧路始通賊之犯江山縣城者屯踞北路大溪灘楷竹街四都一帶東路塘源毛村一帶署藩司李元度率安越軍嬰城固守據生擒賊供侍逆李世賢由大洲竄至江山調金華巨股前來臣當飛檄李元度嚴密堵禦一面派隊分兩路至四都楷竹街截擊三月初一日甫行抵大陳地方該逆偵知大軍將至卽於是夜遁走其塘源毛村之賊屢犯江城俱經李元度擊退斬獲尙多復據李元度稟稱三月初三日親率十營分路進剿毛村賊巢行抵碗窰地方僞主將譚

星率衆萬餘列隊抗拒遊擊喻科癸參將鍾志瑞彭賢  
三等首先衝入賊勢不支參將李正盛遊擊吳桂庭王  
連發縣丞陳純鎮復率所部從左路抄出遊擊徐國香  
率所部從清湖繞出賊後賊卽奪路狂奔各軍乘勢追  
擊忽小清湖賊萬餘過河來犯李元度卽率各軍回援  
喻科癸李正盛大呼迎擊遊擊易咸臨艾錦清都司張  
騰飛知州李積經主簿李鉅縣丞鍾昌柄等分路齊進  
立斃悍賊百餘名追殺六七里申刻收隊是日兩獲全  
勝殺斃溺斃數百名陣斬僞丞相指揮等賊日十餘名

奪獲旗幟百餘面初五日該逆復糾黨上竄撲犯峽口  
閩軍營盤閩軍先勝後挫退回浦城賊遂於該處屯紮  
肆行焚掠下自清湖花園港石門江郎街等處上至峽  
口鳳林等處連營數十里勢甚猖獗臣以其地可達福  
建之浦城浙江之處州龍泉江西之廣豐玉山倘此路  
有失不獨臣軍後路可虞大局必不堪問當飭劉典督  
帶四營先行並派李元度安越軍大營會剿初七日劉  
典等行抵江山縣新塘邊適賊前隊亦至劉典當派各  
營三成隊追剿殺賊數十名直至河邊該逆覓水而遁

訥知侍逆竄歸花岡港結壘自固初入日分三路進攻  
花岡港賊巢劉典自率中營并馬隊由中路進殺賊數  
百燒賊兩壘進逼侍逆李世賢之壘李世賢騎黑馬而  
遁正擬乘勢進攻適大雨如注收隊而還臣因賊勢趨  
重於此隨督各軍繼進十五日進紮江山縣石笏地方  
是日探報侍逆帶騎賊數百由小清湖過河窺探路徑  
並有步賊數百散居村莊臣一面調防江西玉山仁右  
營副將顧雲彩八百人助剿一面飭劉典於十六日督  
同黃少春黃有功余萃隆各率所部至清湖一帶接剿

甫抵該處賊見我軍旗幟紛紛潰走乘勝追殺殲斃殆  
半忽花園港石門出悍賊萬餘排列禮賢上一帶山  
岡而以數千人涉淺過河徑撲安越軍營壘當令安越  
各營並朱明亮桂勇飛赴河邊堵截斃賊數十名賊勢  
少却劉典率各營馳至大呼殺入該逆奪路狂奔我軍  
復追殺二十餘里斬馘數百級其鳳林股匪至毛坂冀  
襲我軍後路者亦經顧雲彩李世顏擊走之十八日分  
路進攻石門花園港等處賊巢臣親督同知楊昌濬楊  
鼎勳率親兵營並張人和楊和貴李世顏遊擊張志超

顧雲彩馬德順等所部由右路進劉瓊陶鴻勳張聲恒  
黃少春余萃隆安越軍親右營遊擊徐國香由中路進  
劉典黃有功朱明亮楊芳桂由左路進李耀南鄭錫漢  
會同安越軍營務處知府李元嘉率安越六營排列河  
邊扼剿臣軍由右路進者黎明至江郎街賊望風而潰  
卽飭各軍節節殺剿而進連破石門賊卡數重直搗入  
賊巢造殺十餘里至午刻抵花園港各營畢集三面環  
攻拔開花離直逼城壘該逆見我軍銳氣百倍堅匿不  
出穴牆開礮抵死抗拒我軍於鎗礮如雨之中排隊屹

立踰越重壕內薄壘下有攀壘先登而墜者有入壘被  
斫而死者前者被創後者復進相持三時之久賊壘垂  
破復完乃收隊而還賊之潛伏清湖者伺官軍收隊突  
起抄我歸路經安越軍於河邊扼擊擒斬百餘鼠竄而  
去是日殺賊不過數百而我軍之陣亡者三十餘名帶  
重傷者至二百七十八名之多蓋攻堅之難如此二十  
一日僞主將翟逆復於石門前面山岡築壘七座探報  
李世賢潛約僞對王洪逆糾大股賊黨又由衢州西北  
而來計期數日可到臣以賊援將至而花園港老巢未

破我軍將有腹背受敵之虞廿二日黎明仍飭各營三路進攻賊巢楊昌濟督各營至石門直逼新壘李世顏磨衆猛撲賊衆披靡各營繼進遂將新壘七座次第踏平斃賊無數餘道翻山鼠竄不暇跟追隨與劉典等逼攻花園港老巢將竹牌柴草填濠直進施放火箭火彈延燒賊柵正在得手之際忽北風斗轉大雨傾注逆賊一面撲救一面出壘死拒副將銜參將黃少春身受三創屹立不退哨官李裔輝簡桂林伍先申周春農等均裹創血戰始徐徐收隊而還是日破賊壘七座殺賊數

百名奪獲旗幟鎗礮數百件而舊壘仍垂破復完二十  
二日李定太江允康等據報偽對王洪春元率黨數萬  
已至雙橋廿五日我軍移營進紮以便一面攻撲老巢  
一面迎剿援賊而該逆卽於是夜向上台毛村一路潛  
遁查竄擾浙江賊酋本止李世賢李秀成兩股楊輔清  
一股從而和之自迭陷名城後兇賊更張兩浙遍遭荼  
毒李秀成一股已由浙入吳楊輔清一股時往來於檇  
州甯國嚴郡之間與李世賢互相首尾臣所剿開化逆  
安之賊卽楊輔清之黨見剿衢州江山之賊卽李世賢

此逆爲賊中渠魁兇狡特甚臣之注意於此原冀殲除

此股則餘賊震慄浙事可望轉機自回援衢州以來賊

黨望風而靡雖未及痛剿然已散竄潛逃不敢抗拒惟

該逆負隅自固於形見勢絀之餘猶復堅忍相持拚死

抗拒又糾合巨股來援意在闖入江西今爲臣軍所阻

潛遁同去或由衢州仍回大洲全旺老巢或由遂昌而

竄龍泉均屬未定臣現留安越軍八營及江西仁右營

副將顧雲彩長左營卽補道王德榜等照舊駐守與江

山各營聯絡一氣以固江西藩籬一面飛飭駐防馬金

記名總兵崔大光等四營回軍華埠相機要擊臣自率  
各營卽由常山跟蹤追剿務期悉數殲旃免致流毒  
他方終成不了之局所有迭次獲勝及現在布置情形  
謹會同協辦大學士兩江督臣曾國藩恭摺馳  
奏伏祈

皇上聖鑒訓示施行謹

奏 同治元年三月二十七日

議政王軍機大臣奉

旨另有旨欽此

同治元年四月十四日內閣奉

上諭左宗棠奏官軍自援衢州江山兩城圍解一摺逆  
匪偽侍王率巨股圍撲浙江衢州府城總兵李定太等  
嬰城固守二月十八日左宗棠馳抵常山水南地方調  
派知府劉典等督率兵勇分路進攻十九日齊抵招賢  
該逆不及列隊棄械狂奔官軍奮力追殺斬擒二百數  
十名衢城糧道遠迫其撲犯江山之賊屯踞大溪灘毛  
村一帶已革臬司李元度率安越軍駐守三月初三日  
李元度親率十營進剿毛村賊匪大獲全勝該逆糾黨

上竄撲犯峽口左宗棠復飭劉典督率所部會合李元  
度各營攻剿連日鏖戰斬獲甚多十八日進攻石門花  
園港賊巢該逆抵死抗拒賊壘垂破復完二十二日分  
三路直逼石門新壘奮勇攻撲賊眾披靡遂將新壘七  
座路平餘逆翻山鼠竄官軍乘勢逼攻花園港賊勢不  
支乘夜向上台毛村潛遁剿辦甚屬認真著左宗棠督  
飭各路官軍跟蹤追剿務令悉數殲除勿留餘孽欽此  
議政王軍機大臣 字寄同治元年四月十四日奉  
上諭慶端奏閩浙各軍連日剿賊情形左宗棠奏官軍

回援衢州江山兩城圍解各一摺覽奏均悉慶端所奏  
已革臬司李元度進剿毛村賊巢獲勝情形與左宗棠  
所奏大略相同惟逆黨上竄峽口撲犯閩軍營盤閩軍  
先勝後挫退回浦城賊遂於該處屯紮肆行焚掠下自  
清湖上至峽口等處連營數十里勢甚猖獗已經左宗  
棠據實馳陳而慶端則但稱逆匪來逼峽口副將曾元  
福整隊迎敵將賊擊退殺賊甚多復令都司楊鳳元等  
由小路進剿斃賊無算兵勇亦有傷亡復稱侍逆大股  
突至峽口各營眾寡不敵稍有挫失等語不但閩軍收

退情形語多含混卽該督摺內所陳各節前後亦自相  
矛盾慶端以獲咎留在之員自當激發天良力圖補救  
乃奏報軍情竟敢任意欺飾而於將領中之挫敗無能  
者並不卽時參劾實屬情同擊走現在左宗棠督率各  
軍已將石門花園愷等處賊匪擊贖該逆向土台毛村  
一路潛遁著左宗棠嚴飭在事文武員弁跟蹤追剿乘  
其喘息未定悉數殲除第浙軍攻剿得手則閩境更覺  
可虞瑞安景甯雲和等處之賊雖報擊退難保不去而  
復來突入閩境慶端務當督飭閩省能事將領會同辦

軍將峽口鳳林等處賊營併力剿洗嚴杜浙賊入閩之  
路以期稍贖前愆儻再不知愧奮在令賊匪竄入閩疆  
或闖入江境該督恐不能當此重咎也懍之再慶端奏  
總兵李定太總統諸軍克保危成請以提脩遇缺題奏  
副將崇志知府江允康兩次保守郡城均請免議失守  
處分已明降諭旨交左宗棠查明是否得力另行具奏  
茲該撫確切查明毋稍遷就將此由六百里各諭令知  
之欽此

遂安官軍兩次擊賊獲勝立解城圍摺

奏爲遂安官軍兩次獲勝解圍恭摺奏祈

聖鑒事竊臣於二月初十日攻克遂安縣城時賊首僞

侍王李世賢率巨股圍撲衢州府城臣卽於十三日率

軍回援令運使銜卽選道王文瑞王開來率所部二千

五百人留遂安駐守旋據王文瑞等飛稟二月二十三

十一等日有巨股賊由清安竄逼城東五十里梓桐源

城北二十里墩頭圍撲城垣二十二日賊分兩路撲城

王文瑞等飭各營堅壁勿出靜以待之該逆旋即退去

廿三日東路之賊忽蜂擁直逼城外營壘並攜帶木梯布袋意圖填濠攻城王文瑞令總兵丁長勝參將郭德馨率所部分伏左右親督副將銜參將王萬友副將喻勝榮趙仁和羅瑞山各率所部由中路奮擊令康榮詔潘謨率親兵相機策應副將王明輝率後旗相形扼要以防北路之賊中路各旗奮勇衝殺斃賊多名該逆拚死抗拒正鏖戰間康榮詔潘謨等繼至丁長勝郭德馨復率伏兵由左右兩路橫截而出該逆紛紛敗潰我軍猛追十餘里始行收隊甫近城壘忽北路之賊又乘

虛來犯王明輝督各哨極力堵禦康榮詔潘謨王萬友與羅瑞山等分路擊之王文瑞率郭德馨趙仁和等從中路迎擊喻勝榮丁長勝率所部翻山而下我軍奮威衝殺勇氣百倍賊又大敗斃賊約八九百名是日兩戰約共殺賊二千餘人陣斬偽檢點黃德貴劉世學偽指揮黎文明偽丞相劉正順汪定遠李世源等奪獲本梯百餘架騾馬器械無算此廿三日大獲勝仗之實在情形也廿七夜探報另股援賊由東亭前來北路敗賊亦於是日歸併東路廿八日辰刻該逆擁衆五六萬直至

城東築壘密布竹籤花籬以防我軍衝突王文瑞憑牆  
穩守待至未刻見賊勢稍懈卽飭丁長勝郭德馨率所  
部從城北小路抄出賊壘之後趙仁和王明輝從中路  
之右進擊王文瑞自率親兵由中路之左進擊康榮詔  
潘謨率親兵與喻勝榮由東路河邊橫擊我軍分三路  
進攻該逆亦分三路拒戰雖斃悍賊多名而該逆自恃  
人數衆多畧無退怯迨見丁長勝郭德馨等由後路抄  
出始各散歸壘中施放鎗礮拒守我軍隨將壘外竹籤  
花籬拔葉殆盡直撲壘下羅瑞山首先躍入立斬悍賊

數名各勇繼進乘勢連破諸壘該逆四散狂奔我軍兜  
剿逆殺賊屍枕藉不可勝計拋棄鋤鏢鎗破旗幟刀矛  
無算餘逆一由清安港日竄嚴州一由濟嶺竄徽州屯  
溪休甯而去此廿八日獲勝之實在情形也臣前接遂  
安告警之信慮該處防兵不敷分布當據商徵軍布政  
使銜福建臬司張運蘭酌派數營馳援並令記名總兵  
崔大光等四營由開化進剿以保馬金糧路兼爲遂城  
聲援及徵軍副將張選桂率老湘八營抵馬金而城圍  
已解因卽折回查遂安路途四達賊雖暫退威坪一股

仍於梓桐源一帶往來窺伺有糾合輔逆楊輔清來攻  
遂城竄擾江西之說已飭王文瑞嚴密守禦並令崔大  
光等四營相機應援務期力扼要衝所有此次陣亡之  
藍翎守備廖有貴軍功擬保把總陳子春均請

飭部照例議卹謹會同協辦大學士兩江督臣曾國藩  
恭摺馳

奏伏乞

皇上聖鑒訓示施行謹

奉 同治元年三月二十七日

該政王軍機大臣奉

旨另有旨欽此

同治元年四月十四日內閣奉

上諭左宗棠奏遵安官軍兩次擊賊獲勝立解城圍一  
摺浙江遵安縣城自二月間攻克後復有股匪分東北  
兩路竄擾逼城經道員王文瑞等督軍奮擊斃賊甚多  
該逆抵死抗拒總兵丁長勝等率伏兵齊出左右橫截  
東路各賊紛紛敗潰我兵追殺十餘里北路之賊乘虛  
來犯副將王明輝等併力堵擊官軍分路接應奮勇衝

殺賊復大敗兩次共殺賊二千餘名陣斬偽檢點偽指揮偽丞相多名奪獲木梯百餘架騾馬器械無算敗賊糾合援賊歸營東路擁眾復來撲城官軍分三路進攻復分兵由後抄出賊始敗退我軍乘勝連破賊壘逆眾四散狂奔官軍兜剿追殺賊屍枕藉不計其數拋棄器械多件餘賊逃竄剿辦甚急得手仍著左宗棠督飭諸軍將敗殘各匪悉數殲除毋留餘孽陣亡之廖有貴疑保把總陳子春均著交部照例議卹該部知道欽此

李楊兩逆遁竄現籌進剿情形摺

奏爲兩路逆首均已遁竄現籌進剿情形恭摺馳奏仰  
祈

聖鑒事竊首逆李世賢於江山花園港敗遁臣由常山

追剿已經奏報在案臣軍行抵常山時李世賢已繞由

衢南回竄龍游令賊黨堅踞龍游縣城及衢南之石室

街並竊壽昌踞逆分竄衢州東北之蓮花一帶脩築堅

壘以抗追師而自率諸賊回竄金華府城老巢其另股

由塘源溪口繞竄遂昌龍泉邊界者經兩縣鄉團及福

廷記名總兵林文察截擊斃賊約二千餘名餘匪由松陽遁走遂昌龍泉兩縣肅清賊之大勢均趨重金華而倚龍游壽昌蘭溪三縣賊巢爲犄角之勢臣本擬先剿衢北之賊以攻龍游忽接駐守遂安之鹽運使銜卽選道王文瑞等飛報首逆僞輔王楊輔清率大股分由瀆安縣之威坪梓桐源港口而來圖撲遂安以擾江西而竄南自鮑超等連戰克捷收復城池後各處敗匪亦由甯國轉竄而至前隊已抵遂安之界首東亭一帶賊館連紮四五十里臣以李世賢甫經敗遁兇敵已衰勢必

不敢上窺楊輔清一股久圍越竄江皖遂安防軍單薄  
開遂一帶歧徑最多分駐馬金街之四營亦難遍行扼  
截遂令道銜留浙補用知府劉典率各營由華埠馬金  
以抵昏口臣率親兵及各營由常山進駐開化相機圖  
之四月十三十四等日劉典率各營由昏口進紮百畝  
畝記名總兵崧大光等四營亦到首逆楊輔清聞官軍  
大至十五夜乘雨霽月明全股捲旗宵遁遲明王文瑞  
劉典派隊追剿沿途僅殺斃落後長髮老賊百數十人  
追至淳安縣城賊已奔竄昌化難民乘機逃出者絡繹

不絕探報楊輔清竄昌化後又向甯國竄去臣已飛咨  
皖南各軍嚴行戒備矣李逆之黨臨壽昌龍游者見臣  
軍已赴開遠一路遂日漸上竄衢郡南北又形喫緊臣  
拜摺後卽由華埠出常山赴衢州剿之已調劉典崔大  
光等各營陸續拔回俟玉山婺源德興各處採購之米  
解判卽裹糴而趨相機辦理所有近日軍情謹會同協  
辦大學士兩江督臣曾國藩恭摺奏報伏乞

聖鑒訓示謹

奏 同治元年四月二十四日

議政王軍機大臣奉

旨另有旨欽此

歷陳餉項支絀籌辦艱難情形摺

奏爲歷陳餉項支絀籌辦艱難情形恭摺奏祈

聖鑒事竊浙江全局潰裂軍餉無從籌措全在各省按月協撥情形久在

聖明洞鑒之中臣軍未入浙之前已欠餉六箇月有奇

僅恃兩江督臣曾國藩所撥景德鎮河口鎮釐金婺源

樂平浮梁三縣錢漕及江西奉

旨協撥一款陸續彌補欠數尙多入浙後轉戰閩遂江  
常之交四月以來積欠又二十餘萬兩從前李元度一  
軍李定太一軍月餉係由閩省酌發雖所欠甚鉅然每  
月尙各有二萬兩略資點綴自正月以後閩餉稀至賊  
氛更緊會國藩發給衢防李定太一軍銀二萬兩米三  
千石臣亦發給衢防銀二萬兩又撥給李元度一軍閩  
餉銀五萬兩買米銀八千兩米一千三百餘石昨奉  
諭旨甄汰李元度一軍現擬撤遣十營又由臣發給勇  
丁長夫一月口糧銀三萬四千兩以作行資而臣軍之

餉又挪空兩月有餘合之舊欠仍六七個月不等所有  
奉

旨協撥浙江軍餉各省以粵東每月十萬兩爲大宗頃  
接督臣勞崇光來械備言粵省支絀情形將來縱微有  
接濟亦斷難如期如數而現在則并無委解之耗閩海  
關協浙之款從前每月五萬兩近奉

旨每月協撥三萬雖已委解在途而李元度李定太兩  
軍每月由閩領餉者今因閩不給餉并向臣處索取卽  
令閩餉三萬按月解到臣按月酌給兩軍而亦不敷其

鉅此外湖北按月協餉一萬兩僅止委解一次湖南按月協餉一萬兩除給劉培元一軍行資及臣軍增募勇丁經費並軍火帳棚等項此時亦無應解之款總計各省奉

旨協撥浙江之款除福建解過五萬湖北解過一萬外別無解款現據劉培元蔣益澧咨稟所部一萬三千二百人於四月初旬由粵西湖南分隊啟行大約五六月均可陸續到浙臣所調募各營亦約於五月內可到計每月兵餉又須增十三四萬兩合之臣軍及李定太一

軍李元度汰存之軍每月餉需共須二十四五萬兩卽令福建湖北湖南廣東各省如數如期源源委解每月亦不過十五萬兩尙有十萬兩虛懸無著而各軍舊欠之餉尙未暇計也浙省膏腴之壤盡爲賊踞衢嚴一帶山隲瘠薄素鮮蓋藏頻年屢遭兵燹小民死喪流亡田荒屋燬臣軍行所至目覩災民男婦露宿野處道殣相望有數日不得一食者有一家餓斃數口者近復疫氣流行十人九病而浙之殘黎幾於靡有孑遺矣不獨捐輸釐金無從籌辦卽錢糧正賦亦且催督難施縱使仰

仗

天威所至堅城速下而軍中食米必賴隣省轉輸卽此等垂盡飢民亦何忍任填溝壑日夜思維憂心如擣伏

懇

皇上天恩勅下廣東福建湖北湖南督撫諸

臣自奉

旨之日起將應解浙江協餉按月委解

臣

軍一面咨報

戶部以備查核如有延誤卽由部

臣

查明將各該藩司指名參

奏以重兵食而速戎機庶解款不致久絀兵事得免遲

滯臣惟有殫盡血誠壹意攻剿以求仰副

高厚鴻慈於萬一再正月初四日奉

上諭前因薛煥奏浙省危急請照王有齡所籌前經准撥之廣東每月協餉銀五萬兩江西湖南湖北每月協銀各三萬兩均由滬口豫納商人貨稅給單執照赴各該省抵匯浙餉一節當經諭令各該督撫遵照辦理其各省如有海道及他路可通於省者均卽各將應解每月協餉分途撥運並諭薛煥收集前項抵匯餉銀卽行設法運往浙省止滬餉源寬裕並著薛煥於抵匯餉銀

道外先行設措接濟左宗棠軍餉並按月源源解往毋  
許推諉欽此薛煥奉此次

諭旨後自應欽遵辦理數月以來未據該撫臣咨會所  
有前項抵匯餉銀已收若干臣與曾國藩距滬甚遠無  
從查悉薛煥亦並無先行設措接濟奉

旨允行之件竟漠不關心實不可解相應請

旨飭令薛煥恪遵前

旨迅將各省抵匯浙省餉銀委解曾國藩大營俾臣得  
就近迎提以資接濟是否有當並乞

訓示施行謹

奏 同治元年四月二十四日

議政王軍機大臣奉

旨另有旨欽此

查鈔革員張景渠原籍資產摺

奏爲遵

旨查抄革員張景渠原籍資產恭摺覆奏事同治元年  
三月初五日常山縣水南行營准兵部火票遞到議政  
王軍機大臣字寄二月初四日奉

上諭護理浙江提督參將陳世章等前因甯波失守業經降旨擊問茲據陳世章奏稱甯波等城失守以後該參將與甯紹台道張景渠均遇英法兩國人救護退駐定海等語其爲畏葸逃避顯而易見陳世章張景渠均著左宗棠遵照前旨嚴行審訊張景渠經手關稅其扣歸洋人二成稅銀共計若干并著研取確供迅速知照薛煥與洋人駁對日來風聞張景渠並有於甯波失守後將關稅銀二百萬兩載赴定海藏匿之事是否確實並著曾國藩左宗棠秉公設法密查具奏毋任隱匿欽

此嗣又於三月二十六日欽奉二月二十七日

上諭前因已革道員張景渠經手關稅並風聞有於甯  
波失守後將關稅銀二百萬兩載赴定海之事諭令曾  
國藩左宗棠查奏茲據總理各國事務衙門奏據薛煥  
咨稱張景渠於應交英法兩國第四結扣款遽行挪用迨  
甯波失守又以該郡紳富遷避上海飭捐歸款一再延  
宕以致各該領事催索各情請飭查抄該革員貲財備  
抵等語浙海關扣款係交涉外國之項張景渠何得擅  
自挪用且欲令由甯搬避赴滬之紳富捐輸歸款尤出

情理之外亟應嚴行懲辦著會國藩薛煥左宗棠將該革員張景棠寄居處所及原籍貲財先行查抄並查明該革員有無另行寄頓之處一併查抄備抵仍嚴訊該革員於浙海關第四結應交英法國二成銀及庫存各款確切查明若有虧短挪用情弊卽照數嚴追勒繳毋稍瞻徇其浙海關第三結收稅銀若干應交英法國二成銀若干及會否解滙清交之處並著薛煥查明覆奏欽此

臣遵卽密飭留浙升用同知陳盛治會同江西廣信府知府鍾世植遵帶丁役至張景棠上饒縣原籍任

字逐細搜查抄出金銀洋錢衣服等項約值七千餘兩  
田地房契約值三千餘兩並提該革員之子張廷斌再  
四研訊委係別無寄頓稟覆前來臣查張景渠身任監  
司人員海疆重地既已貽誤於前外國扣款復敢挪用  
於後核其情節實屬法所難寬除該革員原籍資財已  
由臣派員查抄外其寄居處所准兩江督臣曾國藩咨  
據署江蘇布政使吳煦等稟稱遍查上海縣境內並無  
張景渠寄居處所亦無寄頓貲財風聞該革員自甯波  
失陷後業經退守定海廳等語查定海孤懸海外臣處

相距寫遺無從查辦應請

旨飭下江蘇撫

臣

薛煥就近派員前往密訪查抄俾昭

核實所有查抄張景渠原籍財產衣物等項謹開列清單附呈

御覽此項作何抵撥之處并候

訓示施行謹

奏

同治元年四月二十四日

議政王軍機大臣奉

旨另有旨欽此

奏政王軍機大臣 字寄同治元年五月初十日奉

上諭左宗棠奏兩路逆首均已遁竄現籌進剿情形一  
摺據稱逆首李世賢圖竄衢州等處擊敗後偽輔王楊  
輔清復糾眾圖撲遂安該撫親赴開化督剿逆眾宵  
遁而李逆餘黨踞壽昌龍游者復竄衢郡該撫現前往  
督剿等語逆賊煽惑浙東圖竄江閩蓄志已久衢郡爲  
江閩門戶左宗棠自應親往督剿以扼要隘惟該撫所  
部本單而賊計詭譎堵此竄彼殊形勞苦甚爲慮念蔣  
益澧劉培元所部已報四月初間起程該撫卽派員迎

提以厚兵力現在鮑超進攻甯國指日必可得手敗匪  
上竄亦在意中該撫前擬由辰規杭賊勢浩大難期得  
力若候蒞益澧等軍分道並進始無掣肘之虞該撫於  
擊退闖竄徂城逆賊後酌量情形相機辦理斷不可輕  
率前進江西防兵無多而沈葆楨尙能布置惟閩省之  
兵多不得力該撫仍當與廖端者酌會商戰守撥宜庶  
免賊匪乘虛抄襲查物自革道員張景渠家產甚屬認  
真所有該革員資產均著變價提充該撫兵餉其餘零  
星物件即著賞給營中出力兵弁所請飭催湖北等省

軍餉已論官文等迅速撥解矣將此由六百里諭令知之

甄汰安越軍存留五營片

再三月二十六日江山縣石笏營次准兵部遞到議政王軍機大臣字寄同治元年三月初七日奉

上諭李元度於失陷徽郡獲咎後不候會圍藩審訊徑自募勇赴浙捏報克復義甯等城迨由江西援浙復節節逗遛以致杭城失陷厥咎甚重本日已明降諭旨將李元度革職交左宗棠差委以觀後效該革員治軍一

味寬縱所部勇丁多用親族子弟卽著左宗棠會商會  
國藩嚴加甄汰分別去留欽此臣查李元度一軍上年

入浙轉戰於龍游壽昌之間彼時逆賊已深入腹地散

踞各城所有赴杭路徑均皆梗塞李元度一軍由衢州

取道而前勢難遽達實非有意遲迴昨次逆首李世賢

大股來犯李元度固守江山縣城分撥八營隨同臣軍

出戰臣留心察看所部能戰者實不乏人惟李元度平

日馭勇過寬士卒知感而不知畏又安越一軍營制營

官之外復有幫帶會辦之名哨官之外復有哨長事務

不一號令不專各勇丁多平江一縣之人取材既隘又  
狃於寬慢之習驟難以法繩之計該軍共十五營現今  
李元度撤去十營存留五營改照臣軍營制由臣給餉  
仍歸李元度調遣務收餉節兵精之效其軍欠餉已五  
六箇月經李元度再四勸諭由臣發給一月口糧散遣  
歸籍各弁勇隨征日久心懷李元度舊恩尙未敢堅持  
異論此奉

旨甄汰安越一軍撤去十營酌留五營之實在情形也  
李元度於咸豐四年入曾國藩營襄治軍書臣時在前

湖南撫 臣駱秉章署中佐理軍務卽識其人知其性情  
肫篤不避艱險厥後軍事方殷帶勇剿賊轉戰江西皖  
浙之交飽經憂患以軍事時有利鈍兩破吏議私懷倍  
深慙憤而報

國之志未衰該革員年甫四十有一頻年馳驅戎馬鬚  
髮盡白無替厥勤在時流中亦爲難得之選茲蒙

恩命免其治罪交 臣差委以觀後效 臣惟有隨時助勉  
箴其闕失以副我

皇上愛惜人才至意儻再不知振作頽廢日甘亦惟有

批實嚴參不致以私廢公也謹將甄汰安越軍存留五  
營原委據實附片陳明至李元度所署藩司一缺本任  
蔣益澧到浙需時所有藩司事務查有現署杭嘉湖道  
蘇式敬堪以代辦除檄飭以遵照外合併聲明伏乞

聖鑒訓示謹

奏 同治元年四月二十四日

議政王軍機大臣奉

旨知道了欽此

臣奏材堪司道等員摺

奏爲遵

旨保奏材堪司道等員仰祈

聖鑒事竊臣前於三月初八日欽奉

諭旨蘇浙糜爛省分人皆視爲畏途惟有選擇能戰之  
文員以補兩省之實缺或能漸集乃事并著曾國藩左  
宗棠隨時訪查將能勝蘇浙兩省監司道府之員保奏  
前來以備簡用三月二十六日復奉

上諭浙江按察使現在簡用乏人著曾國藩左宗棠於

平日所知擇其材堪勝任並嫻軍務者不拘資格酌保數員候旨簡放復奉

上諭昨因浙江按察使簡用乏人降旨令曾國藩左宗棠酌保數員左宗棠接奉此旨卽著於平日所知酌量保奏候旨簡用欽此跪誦之下敬仰我

皇上俯念危難廣簡材俊至意臣謹就平日所知現能赴浙者酌保數員開列清單詳其行實恭呈

御覽其材堪保薦而現官要地不能赴浙者不復開列

謹會同協辦大學士兩江督臣曾國藩恭摺具

奏伏乞

聖鑒於行謹

奏 同治元年四月二十四日

議政王軍機大臣奉

旨留中欽此

謹將擬保堪勝浙江司道各員繕列清單敬呈

御覽

按察使銜卽選道江忠濬

該員係前安徽巡撫廬州殉難江忠源之弟江忠源在

日督與臣言諸弟中惟該員才具最優但未知於兵事  
何如嗣該員帶楚勇赴廬州海摧知府回籍後帶勇防  
剿是粵之匪保升道員並加臬司銜該員性情醇厚有  
治事之才於兵事亦頗練習現在湖南新甯本籍

按察使銜記名道趙煥聯

該員由湖南舉人管帶湘勇海保今職於兵事頗稱稱  
練所部多能戰之士爲人警敏有識才具優長現在湖  
南省城充撫臣營務處

道銜留浙補用知府劉典

該員與前甯紹台道武昌殉節羅澤南相處在師友之  
間諳練兵事善審地勢廉幹有爲現在 臣軍總理營務  
留甯補用同知楊昌濬

該員師事羅澤南與已故記名道王壽前浙江藩司三  
河鎮殉節李績賓及現在安徽巡撫李績宜爲友均曾  
襄辦各該營軍事性情恬裕屢辭保薦廉明篤實曉暢  
戎機現在 臣軍總理營務

以上四員均曾與會國藩械商彼此意見相同堪膺保  
薦

卽選員外郎林聰

該員係故雲貴督臣林則徐之子性情醇厚議論軒爽雖未知其於兵事何如然觀其遇事留心實有幹畧不憚名父之子現在福建本籍

卽選員外郎吳大廷

該員前官內閣中書才識明敏志趣甚正臣雖未與謀面然書札往返甚相契合現在李績宜軍營擬暫假回湖南沅陵本籍

以上兩員係臣近時思索所得尙未與會國藩核商然

曾國藩亦頗知其人其林聰彝一員胡林翼亦曾保薦  
及之

同治元年五月十一日內閣奉

上諭安徽布政使著江忠濬署理欽此

同日內閣奉

上諭浙江按察使著劉典補授欽此

同治元年九月二十四日內閣奉

上諭浙江衢州府知府員缺著楊昌濬補授欽此

訊明王履謙貽悞情形據甯參奏摺

奏爲遵

旨訊明王履謙貽悞情形據實參奏仰祈

聖鑒事竊副都御史王履謙業

旨幫辦團練紹興失守王履謙赴閩藉詞誘罪欽奉

諭旨革職拏問交臣就近審訊按律治罪臣督臣慶端

將王履謙委員押解前來臣比欽遵

諭旨逐一研訊如瑞昌王有齡原奏飭甯紹台道張景  
渠嚴防甯紹王履謙議格不行又復袒庇紳富致捐借

俱窮一節據王履謙供稱革員自揣不諳軍旅張景渠  
辦捐苛刻未洽與情會商請前撫院派令鹽運司莊煥  
文候補道彭斯舉來紹會辦嗣莊煥文彭斯舉所帶八  
槳礮船十隻兵二百名闖勇八百名來紹未及半月兵  
勇因口角私鬪殺傷七人各散彭斯舉即回省城莊煥  
文移紮義橋是王履謙以張景渠辦理紹郡捐輸彼此  
參商因咨調莊煥文彭斯舉赴紹辦防原奏張景渠嚴  
防甯紹王履謙議格不行自係指此而言又原奏署紹  
興府知府廖宗元等力籌布置以違王履謙不願設防

之意人遂誣以通賊因而痛毆王履謙從旁袖手比及城陷而走廖宗元殉難紹甯連陷貽悞全局一節臣查江蘇撫臣薛煥咨據廖宗元之姪從九品廖永澤稟稱廖宗元自八月二十七日履紹與府署任竭力籌防因兵饑雨窮稟請林藩司調撥張田二軍兵勇二千名及何柄謙礮船四十隻來紹守禦王履謙聽信局紳張存浩張桂芬等請捐不發兵餉廖宗元向張存浩嚴追張存浩抗捐不繳迨何柄謙在蕭山陣亡所剩礮船退至紹郡廖宗元出城安撫時該紳富等揚言知府通賊喝

令水龍勇黃頭勇將廖宗元叢殿頭面帶傷尤重王履  
謙置之不理二十七日諸暨不守二十九日紹興遂陷  
廖宗元陣亡懇請優卹等因又准湖南撫臣毛鴻賓咨  
據廖宗元之姪遇缺卽選從九品庠水澤稟稱廖宗元  
屢署任六月浦江失守義烏東陽相繼告陷賊逼諸暨  
岷縣離紹不過百里王履謙意以兵勇擾民不如以民  
自守致防務未設廖宗元請調外江礮船入內港時值  
兵餉告匱嚴催富戶捐輸紹郡紳民均稱不便廖宗元  
極力整頓事多掣肘九月二十三日賊由富陽南岸奪

外江船渡臨浦港以陷蕭山諸暨防兵於廿四日概行  
退保杭城無一兵至紹二十五日賊由蕭山逼犯紹郡  
破船接仗失利何柄謙陷於城中餘剩破船駛至稽山  
門外紹郡團練喚爲逃勇且謂賊渡臨浦係得外江破  
船而渡遂誣內港破船通賊尼閻與破勇相鬪廖宗元  
出城彈壓局紳張存浩等糾眾揚言破船通賊廖  
宗元不應庇護將廖宗元親兵殺斃十二人並傷廖宗  
元頭額王履謙時曾出城勸解二十九日賊匪攻城各  
團全潰王履謙亦走廖宗元督親兵十餘人禦賊殉節

懇移咨查明請

黜兩軍同意互有出入而廖永澤所稟較爲核實原奏  
廖宗元力籌布置以違上履謙不願設防之意入遂誣  
以通賊因而痛毆王履謙縱旁袖手似團勇毆傷廖宗  
元係由王履謙主使所致王履謙於廖宗元被毆時亦  
似有意縱容臣維紹郡紳民因捐輸頻數意存慳鄙又  
以兵勇擾民而不能殺賊遂謂用兵不如用圍固已併  
爲一談牢不可破王履謙時方請前撫臣調兵助防紹  
郡原無不願設防之心紹郡紳民因廖宗元所調管帶

破船之何柄謙敗陷賊中遂疑退回破船追賊殺斃廖  
宗元親兵並傷廖宗元頭額比時王履謙出城勸解亦  
實無從旁袖手之事原奏得之一時傳聞自難據以定  
獄惟王履謙以在籍三品大員奉

旨幫辦團練事前既不能與地方文武和衷商榷共圖  
保衛之方事後復不能與同里士民竭力綢繆共思恢  
復之策王有齡廖宗元於城陷之時慷慨赴難大節凜  
然王履謙雖訊無棄城先遁情事然既倉皇出走忍恥  
偷生復藉口王有齡所調破船追賊及廖宗元調處不

善飾詞瀆陳希圖諉罪律以謀人軍師敗則死之之義  
卽請

旨立正典刑亦屬情浮於罪惟該革員究係本籍幫辦  
團練之神與地方官吏及帶兵文武有間律無治罪專  
條且該革員賦性迂愚暗昧名情多由受人指嗾所致  
可否將該革員發往新疆効力贖罪之處伏候

聖裁至署紹興府知府廖宗元以力籌防守嚴催富戶  
捐輸致紳富張存浩等誣共所調破船通賊殺斃該故  
員親兵並傷該故員頭額旋帶勇守城禦賊用罪廖宗

元當艱苦窘迫之時堅貞自矢孤忠大節凜七如生應  
請

旨照知府例從優

賜卹並建祠紹興府城以妥忠魂而昭獎勵其紹興四  
品封職張存浩等因廖宗元催捐嚴緊挾忿懷私胆敢  
誣稱廖宗元所謂酸船通賊糾眾殺斃親兵十二人並  
傷廖宗元頭額罪不容誅應俟收復紹興府城後嚴拏  
到案盡法懲處所有誣明王履謙貽悞情形謹據矣直  
陳抄錄王履謙親供附呈

御覽並請

旨優卹廖宗元各緣由伏候

皇上聖鑒訓示施行謹

奏 同治元年四月二十五日

議政王軍機大臣奉

旨留中欽此

同治元年五月十一日內閣奉

上諭前因浙江紹興等府縣相繼失陷王履謙以幫辦  
團練大員倉皇出城猶復藉詞諉罪當降旨將該員革

賊擊問交曾因藩查辦旋以該革員於紹興失守後航海赴閩復降旨改交左宗棠等問嚴訊茲據左宗棠奏訊明王履謙於甯紹喫緊時已咨調鹽運使莊煥文等助防紹郡尙無不願設防之舉署紹興府知府廖宗元所調管帶礮船之何柄謙敗致賊中紹郡紳民遂疑退回之礮船通賊致將廖宗元礮毆受傷甚重王履謙曾出城勸解亦無從旁袖手之事惟臨難出走飾詞諉罪各無可辭請將該革員發往新甞等處王履謙以在籍幫辦團練大臣雖無染城先遁情事惟事前既不能與

地方文武和衷布政事後復倉皇違道藉口破船通賊  
及睿宗元調處不善等詞希圖誘罪於人左宗棠所稱  
卽予立正典刑亦屬咎有應得持論亦尙平允惟恐該  
革員究係本籍紳士辦理固練之員與地方官吏職任  
守土者尙屬有間王履謙著卽照屢發往新疆効力贖  
罪以爲紳士貽誤取巧者戒其署紹興府知府廖宗元  
以力籌防守嚴催富戶捐輸致被紳富張存浩等誣毀  
並毆斃親兵十二名旋復禦賊捐軀城亡與亡突屬大  
節慷慨深堪嘉憫廖宗元著照知府例從優議卹於紹

興府城建立專祠以彰忠蓋其挾忿誣捏糾衆妄殺之  
紳士張存浩等並著左宗棠於克復紹興府城後嚴拏  
到案盡法懲治以儆兇頑欽此